



**JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL**

**Komunikadu Imprensa  
Parlamentu Nasionál  
6 Maiu 2016**

**Prezidenté Parlamentu Nasionál eleitu promote atu aselera prosesu lejizlativu  
ba lei importante no pendente sira: JSMP espera bele sai realidade**

Iha 05 Maiu 2016, Parlamentu Nasionál (PN), liuhosi reuniaun Plenáriu estra-órordinariu, halo destituisaun ba Prezidenté PN sesante hodi halo eleisaun ho lista úniku ba kandidatu Prezidenté PN foun. Kandidatu ba Prezidenté ne'e mak distintu deputadu Adérito Hugo da Costa ne'ebé eleitu ba períodu 2016-2017 ho votu afavór 51, kontra 9, abstensaun 1 no nulu 1.

Aleinde ne'e, Parlamentu Nasionál mós halo eleisaun ba Estrutura Meja Parlamentu Nasionál foun ho pakote mak hanesan distintu deputadu Eduardo de Deus Barreto, nu'udar Vise-dahuluk, distintu deputadu Duarte Nunes, Vise-daruak Prezidenté Parlamentu Nasionál no distinta deputada Domingas Alves da Silva "Bilou-Mali hanesan Vise-Sekretáriu Meja Parlamentu Nasionál. Eleisaun ne'e pasa ho votu afavór 50, kontra 11, abstensaun 0 no nulu 0.

Iha sesaun ba intervensaun polítika, bankada parlamentár sira kompromete katak sei apoiu estrutura foun nia servisu no husu atu servisu ho imparcialidade hodi jere Meja Parlamentu Nasionál tuir prióridade servisu ne'ebé parlamentu kompromete.

Prezidenté eleitu Parlamentu Nasionál iha nia diskursu promete katak sei lidera parlamentu ho imparsiál no sei uja tempu ne'ebé mak iha hodi aselera servisu lejizlasaun nu'udar prióridade ida ne'ebé mak durante ne'e pendente hela. Aleinde ne'e nia subliña katak persiza reforsa tan kuadru tékniku profisionál sira hodi apoiu atividade parlamentu nian iha servisu lejizlasaun no fiskalizaun atu garante qualidade funksionamentu atividade parlamentár tuir espetativa públiku.

“JSMP kongratula Prezidenté Parlamentu Nasionál eleitu ne’ebé hetan konfiansa hodi lidera órgaun lejislativu durante tinan ida ho balun. Ita espera katak Prezidenté foun bele kumpri nia promesa sira hodi fó prióridade ba esbosu lei importante hirak ne’ebé sei pendente no balun kaduka ona iha sesaun lejislativa no lejislatura sira uluk. Lei hirak ne’e mak hanesan ezbosu Lei Anti Korrupsaun, Lei Reparasaun, Lei Institutu Memória Pública, no alterasaun ba Lei Pensaun Vitalísia nian, nsst. ”, dehan Diretór Ezekutivu JSMP, Luis de Oliveira Sampaio.

JSMP mós hein katak, Prezidenté eleitu ne’e sei nakloke aan atu rona no konsidera hanoin hosi sosiédade sivíl relasiona ho kestaun lejislasaun importante sira ne’ebé durante ne’e sei pendente. JSMP enkoraza Prezidenté eleitu atu utiliza kompeténsia sira ne’ebé Kontituisaun fó hodi salvaguarda interesse públiku no Estadu Direitu demokrátiku.

Mudansa estrutura foun iha Parlamentu Nasionál akontese liuhosi rekerimentu Partidu CNRT ne’ebé pasa iha diskusaun no votasaun finál global iha PN. Rekerimentu ne’e apresenta ho konsiderasaun hosi CNRT katak PD la submete ona iha bloku koaligasaun no Prezidenté Parlamentu sesante la obdese ona ba política CNRT nian durante ne’e liuhosi avaliasaun ne’ebé Partidu CNRT halo ba nia dirijenti sira ne’ebé kaer ukun no ba partidu PD.

Atu hetan informasaun kle’an liu tan favor kontaktu:

Luis de Oliveira Sampaio  
Diretór Ezekutivu JSMP  
Telefone: 3323883 |77295795  
[luis@jsmp.minihub.org](mailto:luis@jsmp.minihub.org)

Twitter: @JSMPtl Rua setubal, Colmera, Dili Timor Leste  
PoBox: 275  
Telefone: 3323883  
[www.jsmp.tl](http://www.jsmp.tl)  
[info@jsmp.minihub.org](mailto:info@jsmp.minihub.org)  
Facebook: [www.facebook.com/timorleste.jsmp](http://www.facebook.com/timorleste.jsmp)  
Twitter: @JSMPtl

=====

This article was sent to you by the Judicial System Monitoring Programme (JSMP). Through the provision of independent legal analysis, court monitoring and community outreach activities JSMP aims to contribute to and evaluate the ongoing process of building a strong and sustainable justice system in Timor Leste. Visit our website at <http://www.jsmp.tl>

JSMP does not guarantee the content or endorse the views contained in articles distributed the list other than in respect of those publications prepared by JSMP itself.

To subscribe send a blank email to:

[list-subscribe@jsmp.minihub.org](mailto:list-subscribe@jsmp.minihub.org) (Daily News and JSMP Publications)

[jsmreports-subscribe@jsmp.minihub.org](mailto:jsmreports-subscribe@jsmp.minihub.org) (JSMP Reports)

[justiceupdate-subscribe@jsmp.minihub.org](mailto:justiceupdate-subscribe@jsmp.minihub.org) (JSMP Justice Updates)

[media-subscribe@jsmp.minihub.org](mailto:media-subscribe@jsmp.minihub.org) (JSMP Press Releases)